

青延
山手
著述

皇朝史畧

五

青延山手著述

| | |
|------|---|
| 卷一 | 部 |
| 卷二 | 部 |
| 卷三 | 部 |
| 卷四 | 部 |
| 卷五 | 部 |
| 卷六 | 部 |
| 卷七 | 部 |
| 卷八 | 部 |
| 卷九 | 部 |
| 卷十 | 部 |
| 卷十一 | 部 |
| 卷十二 | 部 |
| 卷十三 | 部 |
| 卷十四 | 部 |
| 卷十五 | 部 |
| 卷十六 | 部 |
| 卷十七 | 部 |
| 卷十八 | 部 |
| 卷十九 | 部 |
| 卷二十 | 部 |
| 卷二十一 | 部 |
| 卷二十二 | 部 |
| 卷二十三 | 部 |
| 卷二十四 | 部 |
| 卷二十五 | 部 |
| 卷二十六 | 部 |
| 卷二十七 | 部 |
| 卷二十八 | 部 |
| 卷二十九 | 部 |
| 卷三十 | 部 |
| 卷三十一 | 部 |
| 卷三十二 | 部 |
| 卷三十三 | 部 |
| 卷三十四 | 部 |
| 卷三十五 | 部 |
| 卷三十六 | 部 |
| 卷三十七 | 部 |
| 卷三十八 | 部 |
| 卷三十九 | 部 |
| 卷四十 | 部 |
| 卷四十一 | 部 |
| 卷四十二 | 部 |
| 卷四十三 | 部 |
| 卷四十四 | 部 |
| 卷四十五 | 部 |
| 卷四十六 | 部 |
| 卷四十七 | 部 |
| 卷四十八 | 部 |
| 卷四十九 | 部 |
| 卷五十 | 部 |
| 卷五十一 | 部 |
| 卷五十二 | 部 |
| 卷五十三 | 部 |
| 卷五十四 | 部 |
| 卷五十五 | 部 |
| 卷五十六 | 部 |
| 卷五十七 | 部 |
| 卷五十八 | 部 |
| 卷五十九 | 部 |
| 卷六十 | 部 |
| 卷六十一 | 部 |
| 卷六十二 | 部 |
| 卷六十三 | 部 |
| 卷六十四 | 部 |
| 卷六十五 | 部 |
| 卷六十六 | 部 |
| 卷六十七 | 部 |
| 卷六十八 | 部 |
| 卷六十九 | 部 |
| 卷七十 | 部 |
| 卷七十一 | 部 |
| 卷七十二 | 部 |
| 卷七十三 | 部 |
| 卷七十四 | 部 |
| 卷七十五 | 部 |
| 卷七十六 | 部 |
| 卷七十七 | 部 |
| 卷七十八 | 部 |
| 卷七十九 | 部 |
| 卷八十 | 部 |
| 卷八十一 | 部 |
| 卷八十二 | 部 |
| 卷八十三 | 部 |
| 卷八十四 | 部 |
| 卷八十五 | 部 |
| 卷八十六 | 部 |
| 卷八十七 | 部 |
| 卷八十八 | 部 |
| 卷八十九 | 部 |
| 卷九十 | 部 |
| 卷九十一 | 部 |
| 卷九十二 | 部 |
| 卷九十三 | 部 |
| 卷九十四 | 部 |
| 卷九十五 | 部 |
| 卷九十六 | 部 |
| 卷九十七 | 部 |
| 卷九十八 | 部 |
| 卷九十九 | 部 |
| 卷一百 | 部 |

210-8

217-15

21A1

1583

皇朝史畧卷之九

水府史臣青山延于著

男 延光校

土御門天皇諱為仁後鳥羽帝第一子也百鍊母承明

門院內大臣源建久九年正月立為皇太子即日受禪

院月記承明門時年四歲鏡增以關白基通攝政公卿補

抄○冬十一月以右大臣藤原兼雅為左大臣權大納

言藤原賴實為右大臣賴實經宗之子也補○正治元

年春正月征夷大將軍源賴朝薨抄百鍊先是嵯峨重成

圖書 和圖書 迦



福岡教育大学蔵書

造相模河橋落之賴朝臨觀及歸墮馬疾作東至是薨

年五十三百鍊抄令子賴家總督諸國守護東賴朝為人

沉毅有度量算不前定未嘗舉事故軍無敗東家物語

盛衰記東鑑大意性尚節儉嘗見藤原俊兼衣服鮮麗戒之曰

汝有才幹盡守儉素若下葉常亂土肥實平等介冑武

夫不曉礼法而猶能儉薄自奉多養士卒志在建功汝

何為乃爾命取其刃親截其鬲東○夏六月以右大臣

藤原賴實為太政大臣左大臣藤原兼雅罷以內大臣

藤原良經為左大臣權大納言藤原家實為右大臣權

大納言源通親為內大臣家實基通之子通親雅通之

子也補○初托原景時以諂佞為源賴朝所寵及賴家

嗣職景時譖結城朝光於賴家曰朝光常懷怨望誹謗

當世宜早除之朝光聞而大懼造三浦義村問計義村

乃子和田義盛安達盛長等議同盟連署訴景時詔告

賴家以其書示景時景時不能辨晰遂率親族據一宮

作亂○二年春正月景時將赴京師行至駿河為州人

所殺東鑑○夏四月立守成親王為皇太弟百鍊抄○秋七

月前左大臣藤原兼雅薨補○建仁元年春正月帝親

上皇小山朝政扈駕越後入城長茂率兵圍朝政家家士距卻之長茂犯上皇宮迫請賜討賴家宣旨不報長茂度事不濟逃匿吉野削髮為僧賴家索之甚急二月捕長茂誅之長茂姪資盛築壘於越後島坂畔賴家賴家使佐佐木盛綱擊之資盛有姑名坂額勇悍多力善射盛綱兵多見殺傷信濃人藤澤清親射中其股坂額僵因虜之衆遂潰散資盛奔嵐清親以坂額至鎌倉賴家召見坂額容貌醜惡殊無屈色淺利義遠請為妻賴家許之○二年秋七月以源賴家為征夷大將軍

東鑑○

冬十月內大臣兼右近衛大將皇太弟傳源通親薨○閏月以大納言藤原隆忠為內大臣隆忠基房之子也○十二月攝政基通薨以左大臣藤原良經攝政補任○三年秋八月源賴家病劇其母政子度其不可起授関西二十八國地頭子弟千幡關東二十八國地頭天下總守護于賴家子一幡處分既定一幡外祖比企能員圖滅千幡及北條氏已專威柄乃使一幡母告賴家曰今割地頭職傳千幡雖叔姪相並似磐石之固而威權兩屬爭亂日起自非滅北條氏除其偏嗣君安得高枕

而卧乎賴家深然之召能員於寢室密議決焉政子聞其謀告時政時政誘殺能員子宗員擁一幡據小御所九月政子使義時及畠山重忠等攻之宗員放火自殺一幡亦焚死黨人多誅竄賴家病間聞一幡能員死使堀親家齎書子和田義盛仁田忠常誅時政時政捕親家殺之政子使賴家削髮幽之於伊豆修禪寺奉十幡請命于朝是為實朝朝廷以實朝為征夷大將軍○元久元年秋七月北條時政弑源賴家先是賴家遺書政子及實朝請得故左右親狎消遣幽爵政子不許至是

時政竊使人拉殺之賴家盤樂無度最好蹴鞠不恤政事遂喪其身東鑑○冬十一月攝政良經罷左大臣○十

二月太政大臣賴實罷以攝政良經為太政大臣職仍舊右大臣藤原家實為左大臣內大臣藤原隆忠為右

大臣補

○二年春三月參議右衛門督藤原通具右近

衛中將藤原定家上總介藤原家隆等新古今和歌

集本書

○初源賴家遣武藏守平賀朝雅衛護京師朝

雅時政女壻也時政妻牧氏陰圖弑實朝立朝政時實朝在時政家政子遣諸將取實朝遷義時宅時政所聚

兵士皆去從實朝翌日幽時政于北條命義時嚴其職
在京諸將佐々木廣綱後藤基清等殺朝雅于京師東鑑

○冬十一月以權大納言藤原實宗為內大臣實宗大

納言公通之子也○建永元年春三月攝政太政大臣

良經薨補任稱後京極藤原以左大臣藤原家實攝政○

內大臣藤原實宗罷以大納言藤原忠經為內大臣忠

經兼雅之子也○冬十二月以攝政家實為關白○承

元元年春正月家實罷左大臣○二月以右大臣藤原

隆忠為左大臣內大臣藤原忠經為右大臣權大納言

藤原道經為內大臣道經基通之子也○夏四月前関

白兼實薨補任稱月輪又九條兼實雅有公輔之望以天

下為已任匡弼獻替務總大體而後白河法皇惑溺便

嬖不能大展其用時人惜焉王海○二年春二月禁專

修念佛宗配僧源空於土佐歷代其弟子親鸞於越後

親鸞源空美作人母泰氏夢吞剃刀而生之幼而穎悟

入延曆寺為僧究八宗奧旨盛衰後棄所業倡淨土專

念宗元亨親鸞皇太皇宮大進藤原有範之子也幼從

慈鎮剃髮為僧後師源空至是坐配流亦倡專念宗實

傳繪

夏五月右大臣藤原忠經罷。○秋七月以内大臣

藤原道經為右大臣權大納言藤原良輔為内大臣良

輔無實之子也。○冬十二月復以賴實為太政大臣。○

三年春正月賴實罷。○三月藤原道經罷。○夏四月以

内大臣藤原良輔為右大臣大納言藤原公繼為内大

臣公繼實定之子也。補○四年秋九月彗星見西方。玉葉

一代要記○冬十一月帝傳位於皇太弟。百鍊抄帝溫醇淵懿

施為不耀後鳥羽帝深愛順德帝使亟傳位帝雖心不

憚而無幾徵形于色困居優遊歌詠自遣。增鏡後鳥羽帝

之討北條氏帝謂時未至屢諫止之後鳥羽帝弗聽。保曆

間及王師敗義時遷二帝於海外以帝不預軍事獨不

及焉然帝不忍獨在京師使攝政道家諭旨。增鏡承久

記義時乃遷帝于土佐後改遷于阿波。增鏡寬喜三年崩

于阿波。百鍊抄世稱阿波院。一代要記在位十三年改元皆五

日正治建仁元久建永承元皇太弟立是為順德天皇

百鍊抄

順德天皇諱守成後鳥羽帝第三子也。皇帝記抄母修

明門院。武部少輔藤原範季女正治二年立為皇太弟至是受禪

百錄

○建曆元年秋九月左大臣藤原隆忠罷○冬十

月以右大臣藤原良輔為左大臣內大臣藤原公繼為

右大臣權大納言藤原信清為內大臣信清修理大夫

信隆之子也補○是歲詔召還僧源空○僧俊仍歸自

宋俊仍肥後人建久未如宋習召教律部至是還元亨

○二年春三月頒新制二十一條百錄○夏六月內大

臣藤原信清罷以權大納言藤原道家為內大臣道家

良經之子也補○建保元年春二月閑院成徙御焉百錄

抄○夏五月先是和田義盛子義直義重及姪胤長黨

於泉親衡挾源賴家子千壽丸謀討義時事發覺義盛

叙已功勞乞二子命實朝釋之義盛又率族人乞胤長

命義時惡其倔彊面縛胤長故過義盛前遂屬之吏義

盛慚憤至是遂稱兵圍實朝第義時護衛實朝避兵法

華堂命子泰時與諸將擊之義盛兵勢甚銳將士多死

傷泰時勵衆力戰義盛敗死義盛子義秀稱朝夷名三

郎驍勇絕倫賴家嘗遊小坪聞義秀善泅欲觀其技義

秀入海遊泳往還數返遂深沒不見少選捕三鯢魚而

出衆皆驚歎義盛之攻幕府也門闔不得入義秀圍之

而入力戰搏鬪捷如神殺傷甚衆及義盛敗義秀駕

船走安房不知其所終

東鑑○世人相傳義秀赴高麗延室中我 先君義公使人回

義秀事蹟於對馬守宗義真義實之朝鮮報曰朝鮮金山浦絕影島今猶有義秀祠則世之所傳亦不妄也

○冬十二月前內大臣藤原實宗薨

園大曆元四年

○三年

冬十月右大臣藤原公繼薨○十二月以內大臣藤原

道家為右大臣大納言藤原公房為內大臣公房經宗

之子也

補任

○四年春三月前內大臣藤原信清薨

百鍊抄

○五年春三月前太政大臣兼房薨○六年冬十月以

內大臣藤原公房為太政大臣權大納言源實朝為內

大臣○十一月左大臣藤原良輔薨

補任

○立懷成親王

為皇太子○十二月以右大臣藤原道家為左大臣內

大臣源實朝為右大臣權大納言藤原家通為內大臣

百鍊抄

家通家實之子也

補任

○承久元年春正月故征夷

大將軍源賴家子僧公曉殺征夷大將軍源實朝初實

朝拜右大臣上皇特賜車服優寵將行拜賀禮於鶴

岡社以二十七日戊戌為期大江廣元日暮夜非無虞

空用白日源仲章曰故事必用昏夜

承久

廣元將出前

諫實朝曰覺阿今日進謁不覺泪下是必有由在昔先

將軍慶東大寺衷甲備變宜倣其故事實朝竟不納既
至南門下車誤折劍攔人以為不祥礼畢將下公曉從
後抽劍斬之薨年二十八東鑑時暮夜闇黑衛從阻隔聞
變驚躁而不知賊所在承久記公曉走至上宮前大呼曰
公曉報父讎衆始知其所為追圍雪下坊舍公曉走匿
備中阿闍梨家三浦義村子駒若丸公曉弟子也公曉
意謂義村助已遣使謂曰將軍曠位吾當其任子宜為
我計畫使得罷職義村聞變驚泣給曰宜先入我家請
遣兵迎之乃告狀義時義時宣政子命使趣殺之義村

乃使長兄定景壯士五人行公曉怪義村之不迎已
自赴義村宅遇定景於途与之格闘定景遂斬之送首
義時初賴家之被殺也公曉年四歲岐子憐之命實朝
子養之後補鶴岡別當常憤父之廢黜遭害欲殺實朝
義時以報讎既補別當不肯祝髮稱有病願限以十日
祈鶴岡社東鑑承久記至是竟殺實朝時義時奉劍從
之入門稱疾作授劍源仲章而歸公曉不知仲章代義
時奉劍故誤斬之實朝無子義時以政子意子諸將連
名上擇皇子為將軍後鳥羽上皇不許左大臣道家賴

朝之姻親義時乃迎其子賴經為主帥東鑑承實朝資

性溫雅頗得衆心鏡增然優柔寡斷政出舅氏大權下移

賴朝之業衰矣東鑑世稱賴朝賴家實朝曰三代將軍實

錄日件○三月以內大臣藤原家通為右大臣大納言源

通光為內大臣通光通親之子也補○夏四月京師大

火百鍊○秋七月大內守護右馬權頭源賴茂謀作亂

遣官兵討之賴茂縱火仁壽殿自殺殿舍多焚東鑑白

○三年春三月造大內五○三年夏四月帝傳位於皇

太子百鍊帝英敏好典籍能和歌親撰八雲抄禁抄

增廣帝為後鳥羽帝所鍾愛故得全嗣位後鳥羽

帝之討北條氏也東鑑謀及京師陷遷于佐渡增仁

治三年崩于佐渡白鍊世稱佐渡院增在位十一年改

元者三曰建曆建保承久皇太子立是為仲恭天皇百鍊

仲恭天皇諱懷成順德帝第一子也紹運錄母東一條

院攝政良建保六年立為皇太子承久三年四月受禪

時年四歲白鍊關白家實能以左大臣藤原道家攝政

公卿補任○初後鳥羽上皇常惡源賴朝把握兵權百鍊

一代要記

制朝廷及實朝遭害以為威權當復歸王室而北條義時擁異姓之幼穉號令仍舊上皇心弥不平一日幸熊野仁科盛遠携兒謁道傍上皇懼為西面盛遠感喜竟留京師義時怒以閩東之家人恣侍仙洞沒其食邑上皇救還之承久記又以攝津長江倉橋一莊賜倡龜菊地頭侮慢龜菊龜菊訴之因下敕傳地頭義時皆不奉命上皇大怒決意討之先是三浦胤義以妻故怨義時宿衛京師過期不還上皇使能登守藤原秀康諭旨胤義奉詔又竊諭閩東諸將募以厚賞五月託城南流鍋馬

集山城大和等十四州兵士削奪義時官爵聲罪討之東鑑承久記義時會諸將議軍事三浦義村安達景盛請據足柄箱根以待王師大江廣元曰衆心不一守險何益虛度時日師老衆沮適足以取敗不如委成敗於天進兵直犯京師也義時從之乃遣弟時房子泰時朝時等將兵十九万犯京師東鑑初上皇使秀康家僮押松齋院宣諭小山宇都官諸將義時捕押松齋院宣燒之至是放還押松使報大兵已發京師震駭六月上皇召公卿會議分秀康胤義等諸將為九隊發兵一方七千五百

餘屯美濃尾張間守東海東山二道阻河而陳泰時時
房擊之官軍敗走宮崎定範糠谷有久仁科盛遠也
波山守北陸道朝時擊破之秀康等還奏敗狀中外失
色至是遣大納言藤原忠信前權中納言源有雅參議
藤原範茂率秀康胤義佐佐木廣綱山田重忠等二萬
五千餘騎分據宇治勢多淀芋洗時盛暑兩霽水潦方
漲官軍撤檣連射東兵不利溺死者衆泰時子時氏先
衆濟水官軍不能支棄守而遁泰時長驅入京師東鑑承久
記初泰時發鎌倉單騎道還見義時曰號令部署既聞

命矣若車駕親征則何以處之義時默思良久曰六軍
親征宜脫曹斷絃委身下吏也若諸將督師則努力効
死有進勿退軍如失利我不復見汝矣增鏡至是遂陷京
師上皇懼不知所出乃復義時官爵奪還追討院宣諭
泰時曰此舉不由宸衷為謀臣所誤今當事從其所
請宜戒飭部下勿鹵掠京師泰時下拜不荅館干六波
羅求廷臣首謀者上皇歸罪於權大納言藤原忠信權
中納言源有雅藤原光親藤原宗行參議藤原範茂藤
原信能六人泰時命諸將各拘一人捕王師逃亡者並

沒其食邑改置畿內西海守護大江廣元津文治中平氏黨与例當忠信以下死泰時不欲三位已上顯戮京師使守者將來以政子命特釋忠信其餘殺之於道七月泰時遷後鳥羽上皇於鳥羽殿逼令薙髮受戒未幾遷之於隱岐土御門上皇於土佐順德上皇於佐渡賴成賴仁二皇子皆徙焉東鑑承久記○攝政道家內大臣源通光並罷補任百鍊抄○初後鳥羽上皇之謀討義時也以左近衛大將藤原公經結婚關東欲殺之而後舉事拘公經父子于弓場殿右大臣藤原公經諫曰昔木曾義

仲驕肆後白河上皇命平知康討之王師失利宮闕蹂血輕遽舉事以辱天威此近時之明驗也關東國大兵彊今不度彼此之力遽加天誅殆非計也况公經廷臣制命在我今疑其与關東交通急行誅戮彼之生死固無損益於關東徒足以取怨啓釁也上皇不納然公經由是得免既而王師敗績果如其言

外史氏曰自古人君懷諫違衆輕遽舉事未有不喪國者也表紹不聽田豐之諫以取官渡之敗苻堅不用群臣之言以致淝水之衄是以人君兼聽廣納然

後舉事万全而算無遺策也 後鳥羽帝不勝一旦之怒起無名之師藤原公繼切諫 土御門帝亦諫止之 帝皆不納盖 帝之意以謂義時一陪臣耳王師誅之易如拉朽殊不知關東無釁上下輯睦所以聲其罪者適足以激將士之怒也及官軍一敗歸罪群臣以冀苟免夫以唐德宗之不君其在奉天也猶引咎自責 帝之不及德宗遠甚矣其致播遷竟崩於海外非不幸也

帝遜位於九條院在位僅七十餘日增鏡世稱九條廢帝

紹神北條義時奉守貞親王子即位是為後堀河天皇

後堀河天皇諱茂仁高倉帝孫守貞親王第三子也帝王

編年記歷母權中納言藤原基家女承久三年七月踐

祚年十歲前関白家實攝政抄北條泰時北條時房

在六波羅鎮護京師泰時居北方時多居南方六波羅

置兩鎮護始此將軍執權次第○八月尊守貞親王曰太上法

皇百鍊○冬閏十月以右大臣藤原家通為左大臣前

右大臣藤原公繼為右大臣大納言藤原公經為內大

臣公經實宗之子也○十二月太政大臣公房罷以攝
 政家實為太政大臣職仍舊○貞應元年夏四月攝政
 家實罷太政大臣補任○中院自土佐遷阿波東鑑○秋八
 月以內大臣藤原公經為太政大臣大納言藤原師經
 為內大臣師經賴實之子也○二年夏四月太政大臣
 公經罷補任○五月法皇崩謚後高倉院百鍊抄○冬十二
 月以攝政家實為關白補任○元仁元年夏六月鎌倉執
 權北條義時卒東鑑子泰時襲其職執權義時沉深有膽
 略度量過人增鏡和田義盛之叛也告急者相繼義時適

与客圍碁鋒色不變徐竟局更服適府指麾諸將遂破
 義盛義時外示謙遜內實陰狡每遇除拜不以新官自
 稱至右京權大夫猶稱前官自賴朝薨專執兵權廢置
 天子進退大臣國家大柄歸于已東鑑至是為其近侍
 所刺殺保曆間記○北條時氏來居六波羅北方北條時盛
 居南方將軍執權○秋八月左大臣兼左近衛大將藤原
 家通薨○冬十二月以右大臣藤原公經為左大臣內
 大臣藤原師經為右大臣大納言藤原良平為內大臣
補任良平良輔之弟也系圖○嘉祿元年秋七月前太政大

臣賴實薨○八月前左大臣藤原實房薨補○冬十月

下新制三十六條百鍊○二年春正月以右近衛少將

藤原賴經為征夷大將軍東○安貞元年春正月左大

臣藤原公繼罷尋薨○夏四月右大臣藤原師經罷以

內大臣藤原良平為左大臣權大納言藤原教實為右

大臣權大納言藤原兼經為內大臣教實道家之子兼

經家實之子也補○京師大火延及大內百鍊○二年

冬十二月關白家實罷以前攝政道家為關白○寬喜

元年秋八月前右大臣藤原忠經薨補○二年冬十二

月前關白太政大臣基房薨百鍊○三年夏四月左大

臣兼左近衛大將藤原良平罷以右大臣藤原教實為

左大臣內大臣藤原兼經為右大臣權大納言藤原實

氏為內大臣實氏公經之子也○秋七月關白道家罷

以左大臣藤原教實為關白補○冬十月土御門上皇

崩于阿波壽三十七○立秀仁親王為皇太子○貞永

元年冬十月權中納言藤原定家上新敕撰和歌集增鏡

定家俊成之子也系定家天才絕倫好作和歌曲極其

妙正徹嘗撰天智帝以來至當時咏歌一百首人各一

首書^皇嵯峨中院障子^{明月}世謂之百人一首其日錄

曰明月記○帝傳位於皇太子在位十二年改元者六

曰貞應元仁嘉祿安貞寬喜貞永皇太子立是為四條

天皇^{百鍊}

四條天皇^諱秀仁^{後堀河帝之子也}母藻壁門院^{道家}

女寬喜三年立為皇太子至是受禪年二歲以関白左

大臣教實攝政^{百鍊}○天福元年夏五月前攝政内大

臣基通^{補家}稱^{近衛}藤原^系○文曆元年夏五月廢帝

崩壽十七○秋八月上皇崩壽三十三^{百鍊}時帝尚幼

冲太政大臣道家為帝外祖而其子賴經為將軍威權

降^{藤原}野傾心焉^{五代帝}○嘉禎元年春三月攝政左

大臣教實^{補家}稱^{洞院}是為九條之祖^{補任}以前関

白道家攝政○冬十月以右大臣藤原兼經為左大臣

内大臣藤原實氏為右大臣權大納言藤原良實為内

大臣^{補任}良實教實之弟也^系○二年夏四月右大臣藤

原實氏罷○六月以内大臣藤原良實為右大臣大納

言源定通為内大臣定通通親之子也○三年春三月

攝政道家罷以左大臣藤原兼經攝政○冬十二月内

大臣源定通罷以大納言藤原基家為內大臣基家良

經之子也

補任

○曆仁元年春二月閑院成徙御焉○征

夷大將軍藤原賴經入朝○閏月盜竊晝御座劍百鍊抄

○夏六月內大臣藤原基家罷攝政兼經罷左大臣○

秋七月以前左大臣藤原良平為太政大臣右大臣藤

原良實為左大臣權大納言藤原實親為右大臣權大

納言藤原家嗣為內大臣實親公房之子家嗣師嗣之

子也

補任

○六波羅遣兵士守要害之處設篝火以備群

盜百鍊抄

是謂篝火太平記

○冬十月初攝政師家薨○延

應元年春正月太政大臣良平罷補任○二月後鳥羽上

皇册于隱岐壽六十帝在隱岐十九年世稱隱岐院○

夏五月稱隱岐院曰顯德院百鍊抄

○仁治元年春三月

前太政大臣良平薨○秋九月右大臣藤原實親罷○

冬十月內大臣藤原家嗣罷以權大納言藤原實經為

右大臣大納言藤原家良為內大臣實經道家之子家

良大納言忠良之子也○十二月以攝政兼經為太政

大臣職仍舊○二年夏四月內大臣藤原家良罷權大

納言藤原兼平為內大臣兼平家實之子也○冬十二

月攝政兼經綏太政大臣補是歲僧園甬歸自宋園甬

姓平氏駿河人少學台教嘉禎初如宋學禪至是還園

甬嘗參議菅原為長會太政大臣家實坐為長世儒

家常欲折園甬家實曰今兩雄相遇勝敗可決園甬曰

久聞管公從事儒術是不為長曰然曰我法授受自世

尊五十五世達磨以來二十七世雖強弩窮矢尚以系

受得稱釋氏以釋例儒忍公當然不知公於孔子幾世

為長不能應退謂人曰我欲以道義相角彼以世系為

言我既陷重圍中耳藤原道家創東福寺居焉正和中

謚聖一國師國師之號始此元亨○三年春正月帝崩

壽十二增帝幼冲遊戯無度官廊塗以滑石見嬪御健

倒以為樂誤自倒而傷遂至不起五代帝在位十一年

改元者六曰天福文曆嘉禎曆仁延應仁治百鍊北條

泰時奉土御門帝皇子即位是為後嵯峨天皇五代帝

後嵯峨天皇諱邦仁土御門帝第二子也東鑑正母贈

皇太后源氏百鍊仁治三年正月四條帝崩無後修明

門院及前攝政道家欲立順德帝子忠成王正統北條

泰時意在立土御門帝後諸鶴岡宮探籌亦協於是定

策遣秋田城介安達義景於京師翼戴帝帝遂踐祚

增鏡

五代帝王物語以攝政兼經為關白○三月兼經罷以左大臣

藤原良實為關白補任○夏六月鎌倉執權北條泰時卒

抄百鍊孫經時襲其職保曆間泰時為人寬厚溫雅識量

過人政子嘗割義時莊園與諸子命泰時在擬泰時自

取其薄政子問之泰時曰我不肖忝襲家職何患不給

唯以撫諸弟為意而已政子嗟歎東鑑泰時在職十八年

政平訟理衆庶樂業正統泰時講究治體嘗定憲令五

十條謂之貞永式目泰時清廉自率無聲色娛翫之好

惠愛民物

東鑑

資性謙謹不喜登顯位

正統

躬行節儉衣

服器皿雖敝而弗改造初泰時在京師見樞尾僧高辨

問治國之要高辨曰治國之道如醫之治病良醫能察

其原審寒熱之所中然後投劑故能療病世之為治者

不察其原濫行賞罰故姦偽日作風俗日偷雖欲為之

治未由也已譬之庸醫不知病原之所在妄施治療夫

國之不治由人欲害之欲心一萌百殃競起子執國政

躬自率勵何不成之有泰時曰雖一人勉之奈衆不從

何曰是不難在子之心耳未有形正而影曲政正而國

亂者正也者無愆之謂也子誠能寡愆則人人化德而嚮風矣一有訟以非理者則反諸身曰我心未正故彼奸以非理痛自創艾不可加罪於彼譬如鑑於水我形不正而惡影之曲苟能惡之不如正其形昔周文王以德化下民皆讓壤故虞芮之訟不聽而自決此乃以無欲治天下之明驗也今子以此率下民皆徇之秦時大悅服膺其言行之數年風化大行太平記及卒都鄙無貴賤若喪父母焉百鍊抄

外史氏曰人君之德莫大於儉古之帝王莫不勤儉

以興國奢泰以亡國故堯之興也以土埶桀之亡也以瑤宮禹之興也以卑宮紂之亡也以玉盃蓋儉則用足故取於民有制焉奢則用乏故取於民無藝焉易謂損上益下曰益損下益上曰損審聖人取象之意所以教勤儉誠培克者可謂深切著明矣觀北條泰時之治國家至誠以待下節儉以化民衣服器皿雖敝而不改作百姓被其澤四海受其賜死之日民若喪考妣夫風化之行捷如影響泰時身以陪臣位微官卑而其治効若此況人君居九五之尊有四海

而朝天下者乎譬如登高而呼不加疾也而聞者遠
孔子曰君子之德風小人之德草々上之風必偃豈
不信哉

○秋七月追尊顯德院稱後鳥羽院○九月順德上皇
崩于佐渡壽四十六百鍊抄○冬十二月前關白太政大
臣家實薨補任○寬元元年秋八月立久仁親王為皇太
子○二年夏四月征夷大將軍藤原賴經辭職以其子
賴嗣為征夷大將軍百鍊抄○六月關白良實罷左大臣
以右大臣藤原實經為左大臣內大臣藤原熟平為右

大臣惟大納言藤原忠家為內大臣忠家教實之子也

○秋八月前太政大臣公經薨補任公經女適關白道家

生賴經孫女入宮為帝后生太子權勢翕赫嘗創西園

寺於北山別莊堂宇壯麗冠絕一時增鏡曰稱西園寺又

今出川補任所乘車画鞞繪世稱曰鞞繪大將愚管抄

○三年夏四月詔令參議已上各上封事言時政得失

○五月前左大臣藤原隆忠薨百鍊抄○四年春正月關

白良實罷以左大臣藤原實經為關白補任○帝傳位於

皇太子帝性寬易慈仁愛物朝野歸心五代帝既賴北

章
條氏之推戴不敢自專朝廷大事皆仰成增繼繼遜位
之後二皇子相踵嗣位帝聽政院中二十六年矣特屬
意龜山帝正統及崩遺詔令龜山帝子孫世承大統以
長講堂領授後宇多帝充子孫封邑而北條時宗建議
立伏見帝為後宇多帝太子自是後深草龜山二帝之
後迭承皇統朝廷之卑替極矣增梅松論在位五年改元
者一曰寬元皇太子立是為後深草天皇百鍊

皇朝史畧卷之九終

皇朝史畧卷之十

水府史臣青山延子著

男 延光校

後深草天皇諱久仁後嵯峨帝第三子也母大官院太
大臣實寬元元年立為皇太子至是受禪年四歲日鍊
以關白左大臣實經攝政○三月以前右大臣藤原實
氏為太政大臣補○夏閏四月鑑倉執權北條經時卒
弟時賴襲其職○秋七月前征夷大將軍藤原賴經為
北條時賴所逐還京師初時賴從父光時有寵於賴經

密謀代時賴襲其職賴經亦預其謀既而事覺時賴乃使兵士警備遏入莫府者分守莫府光時度事不濟剪髮請罪時賴乃流之伊豆使三浦光村護送賴經還京師東鑑保○時賴銳意圖治一日詣鶴岡祠夢神告之曰汝欲致治須用青砥藤經既覺明日召藤綱給以食邑藤綱怪問時賴告以夢兆藤經辭曰君今以夢用僕他日又以夢斬僕耶夫無功受賞是謂國賊臣未有微効不敢當此賞時賴益敬異之奏授左衛門尉為引伸衆有公之所與德宗領事田者具有辯證時賴處決以

田屬德宗領藤綱覆議其事以田還本土田主喜以錢三百緡密置其庭內而去藤綱怒曰斷訟持平豈特為汝耶實恐主君招冤枉之譏苟我處決得常則主君宜見賞獎汝之貨焉得汚我乎以錢還其家嘗行過滑河誤墜錢十文於水藤綱乃出錢五十文買炬霍夫照水搜索竟獲之或笑其得不償失藤綱曰不爾十錢雖小失則永損世寶五十錢布在民間彼此六十錢終不失一錢其利不亦大乎聞者歎服藤綱性好施与所入俸祿悉賑貧困自奉甚薄衣無繡帛其在職廉潔剛直不

憚權貴於是奸吏歛迹人人自飭風俗頓革○時
賴嘗夜招族父宣時讌飲宣時至則時賴自挈酒出曰
偶有此物不可獨酌聊復邀君爾恨無下物厨下所有
煩君取之宣時即起覓之僅得餒餘豆豉而侑之終夜
相對酣飲盡歡而止其真率如此徒然○冬十二月太
政大臣實氏罷攝政實經罷左大臣以前內大臣源通
光為太政大臣右大臣藤原兼平為左大臣內大臣藤
原忠家為右大臣大納言藤原實基為內大臣實基公
繼之子也○室治元年春正月攝政實經罷以前關白

兼經攝政補○夏六月三浦泰村圖滅北條時賴時賴

擊破之泰村自殺初泰村之弟光村護送賴經至京師
見賴經涕泣潛有欲迎復之志及還其謀益切密運致
私邑器械將作亂泰村知而不禁時賴外祖安達景盛
与泰村爭權相惡曰告其有異志泰村妻時賴妹也以
故待遇如故會泰村妻亡時賴至其家泰村族人畢集
已而各託治具更起入內舉措異常時賴始怪之夜聞
有擗甲聲慮其有變間出而還泰村驚懼解謝時賴夜
潛遣人偵其家又遣佐佐木氏信察其動止見多儲器

仗還報益知其有叛計命嚴守備泰村懼遣使謝罪請
罷兵修睦時賴許之乃令衆徹備貽書曉諭泰村感喜
報未至景盛率族兵攻之泰村錯愕出兵拒之時賴不
得已遂命弟時定將兵擊之縱火上風泰村兵不能支
舉族出走法華堂而自殺時賴奏事京師令諸國守護
地頭訖所在索捕泰村親黨遣大須賀胤氏等襲殺泰
村妹夫千葉秀胤父子於上總一官餘黨無少長皆死
東鑑○秋九月前內大臣源定通薨○二年春正月太政
大臣通光罷尋薨補○建長元年秋七月追稱佐渡院

曰順德院○八月前太政大臣公房薨西鑑是歲北

條時賴創建長寺於鎌倉周中抄初宋僧道隆來寓鎌倉

至是時賴嘗禪林居焉弘安中謚大覺禪師禪師之號

始此元亨抄○二年夏四月內大臣藤原實基薨○五月

以大納言源具實為內大臣具實通具之子也○冬十

一月源具實薨○十二月以權大納言藤原道良為內

大臣道良良實之子也○三年冬十月先是命權大納

言藤原為家撰續後撰和歌集至是成奏之拾芥抄為家

定家之子也系圖○四年春二年前攝政左大臣道家薨

補○北條時賴廢將軍賴嗣ヨリツ賴嗣還京師初前將軍賴

經憤為時賴所廢集兵京師與之者頗眾事未發會佐

佐木氏信速ハヤシ長久連ナガキツ僧了行等時賴命鞠之悉得其情

誅逐久連等遂廢賴嗣奏請以後嵯峨皇子ミナモトノミチ宗尊為主

帥夏四月以三品宗尊親王為征夷大將軍東鑑百○

秋七月右大臣藤原忠家罷以內大臣藤原道良為右

大臣大納言藤原定雅サダノ為內大臣定雅忠經之子也○

冬十月攝政兼經罷以左大臣藤原兼平攝政○十一

月以兼平為太政大臣職仍舊右大臣藤原道良為左

大臣內大臣藤原定雅為右大臣推大納言藤原公相

為內大臣公相實氏之子也補○五年秋七月下新制

十八條百鍊抄○是歲僧日蓮始倡法華宗日蓮遠江人

姓貫名氏父曰重忠避平氏之亂徙居安房東條鄉其

母夢日在蓮上有身生日蓮因以為名通禪律真言天

台之教至是始立一宗云周中抄○冬十一月攝政兼平

罷太政大臣以前太政大臣實基復為太政大臣○六

年春二月實基罷○冬十一月右大臣藤原定雅罷○

十二月以攝政兼平為關白內大臣藤原公相為右大

臣藤原公基為內大臣公基實氏之子也補任○康元元

年冬十一月鎌倉執權北條時賴嬰疾薨髮時賴雅信

禪教粗通大旨嘗創最明寺於山內至是退居養病以

子時宗幼冲令武藏守長時代已攝職東鑑增鏡○正嘉元

年冬十月右大臣藤原公相罷以內大臣藤原公基為

右大臣權大納言藤原實雄為內大臣補任實雄實氏之

弟也系○二年秋八月立皇弟恒仁親王為皇太弟百鍊

抄○冬十月右大臣藤原公基罷○十一月以內大臣

藤原實雄為右大臣權大納言藤原基平為內大臣基

平兼經之子也○正元元年春正月前右大臣藤原師

經薨補任○夏五月前關白兼經薨五代帝物語系○

冬十一月左大臣藤原道良薨以前右大臣藤原公相

為左大臣補任○帝傳位於皇太弟在位十四年改元者

五曰宇治建長康元正嘉正元皇太弟立是為龜山天

皇

龜山天皇諱恒仁後深草帝母弟也正嘉二年立為皇

太弟至是受禪年十一百鍊抄○弘長元年春二月左大

臣藤原公相罷○三月以右大臣藤原實雄為左大臣

內大臣藤原基平為右大臣大納言藤原公親為內大臣公親實親之子也○夏四月關白兼平罷以前關白良實復為關白○冬十一月以前左大臣藤原公相為太政大臣○二年春正月內大臣藤原公親罷以權大納言藤原基忠為內大臣基忠兼平之子也○秋七月太政大臣公相罷○三年春三月左大臣藤原實雄罷○秋八月以前左大臣藤原實經復為左大臣補任○冬十一月前相摸守北條時賴卒東鑑○時賴用意政事及解職慮遺東鑑弊壤更不奉教下有冤枉親自羸服陽為

行脚僧周巡四方觀省風俗訪民疾苦如有冤枉者切問事情作書與之以為證驗增錄一夕至攝津難波浦投宿人家屋壁傾頽有老尼獨居詰朝親自爨炊進飯時賴視尼不慣賤役怪而問之尼潛然垂泣曰我家世食采斯邑不幸失夫喪子門戶殄瘁遂為人所奪無所告訴艱苦至是財保餘年而已時賴詳悉事情及歸復其舊其餘所歷之地察問辨覈隨其善惡以行賞罰由是郡國守宰人思自勵風化大行太平記時賴竭心輔導賴嗣嘗上書勸其兼習文武簡士通文武者置其左右以

備顧問寫良勸政要一部裝而進之東初泰時卒後綱紀廢弛獄訟滋興時賴在職守貞永式目遵鎮倉舊制士庶翕然悅服天下稱治矣增及卒將士無親疏悲慕慟哭薙髮者甚衆至下令諸國禁薙髮者其得人心如此東

外史氏曰北條泰時居執權之職勤儉廉潔以身率下風化大行時賴繼之善守其軌則由是海內又安風俗淳朴後世言治者必稱泰時時賴後之人牧苟欲致治可不則而倣之哉

○文永元年夏六月彗星見東北北光世日天代帝上物語東北

秋七月鎮倉執權北條長時罷北八月相模守

北條政村代長時執權北二年夏四月閏白良實

罷以左大臣藤原實經為閏白○冬十月閏白實經罷

左大臣以右大臣藤原基平為左大臣內大臣藤原基

忠為右大臣大納言藤原冬忠為內大臣冬忠家嗣之

子也○十二月前太政大臣實基薨補○彗星復見至

明年正月五代帝王物語○權大納言藤原為家上續古今和

歌集本書序拾芥抄○三年秋七月征夷大將軍宗尊親王為

北條時宗所逐還京師以惟康王為征夷大將軍增鏡先

是僧正良基法印嚴慧等素親近宗尊竊與其黨謀滅

北條氏宗尊實不之知至是謀泄良基奔高野山絕食

而死嚴慧亡命於是時宗廢宗尊送還京師東鑑保奉

其子惟康為主帥增鏡年僅三歲五代帝王物語○四年春正月

內大臣藤原冬忠罷○二月權大納言藤原家經為內

大臣家經實經之子也○冬十月前太政大臣公相薨

○十二月閏白實經罷以左大臣藤原基平為閔白補任

○五年春二月蒙古因高麗求通好高麗奉書附使獻

方物以蒙古書辭不遜並不答五代帝王物語○三月鎌倉執

權北條政村猷相損守北條時宗代政村執權執權次弟○

秋八月立世仁親王為皇太子增鏡○冬十一月閔白左

大臣基平薨以右大臣藤原基忠為左大臣內大臣藤

原家經為右大臣權大納言藤原通雅為內大臣通雅

定雅之子也○十二月以左大臣藤原基忠為閔白○

六年春三月基忠罷左大臣○夏四月以右大臣藤原

家經為左大臣內大臣藤原通雅為右大臣大納言源

通成為內大臣通成大納言通方之子也○六月前太

政大臣實氏薨

補任

實氏嘗出過北面賚救書者下馬為

敬實氏言於朝曰賚救書者不可下馬北面某不知此

禮豈得仕朝耶因黜之其存大體如此徒然○冬十一

月內大臣源通成罷以權大納言藤原師忠為內大臣

師忠良實之子也補任○是歲蒙古使其部兵侍郎黑的

禮部侍郎殷弘奉書求求答書對馬島拒而不納蒙古

虜島人二人而去五代帝王物語關東評○七年冬十

一月前關白左大臣良實薨稱普光院是為二條之祖

補任○八年春三月右大臣藤原通雅罷以內大臣藤

原師忠為右大臣權大納言藤原師繼為內大臣師繼

忠繼之子也補任○秋九月蒙古使其小中人夫祕書監

趙良弼與高麗使俱奉書求通好朝議草答書詔下鎌

倉議北條時宗不可而止吉續記五代帝王物○九年

春二月後嵯峨法皇崩五代帝王物壽五十三正統○十年

春正月彗星見西方一代要記○夏四月以災異頻見詔五

位已上及秀才明經課試及第者各上封事極諫得失

吉續○五月關白基忠罷以前右大臣藤原忠家為關

白○秋八月前左大臣藤原實雄薨補任號山階是為洞

院之祖

系

○十一年春正月帝傳位於皇太子

代帝

天資英發多才藝禪位之後聽政院中十餘年初後嗟

峨帝臨崩密遺命大宮院以欲傳位於帝子孫之意朝

廷舊藏坂上田村麻呂之劍傳為鎮國之宝屬之大宮

院竊授於帝由是後深草帝与帝不相能增嘗爭傳位

北條時宗未知先帝意所屬大宮院告以先帝之意事

乃得定矣

正統記

在位十五年改元者三曰文應弘長文

永皇太子立是為後宇多天皇

後宇多天皇諱世仁龜山帝第一子也母京極院左大

原實

文永五年立為皇太子至是受禪年八歲

增以関

白忠家攝政○夏六月忠家嚴以左大臣藤原家經攝

補

政○秋七月前征夷大將軍一品中務卿宗尊親王

皇代

○冬十月蒙古兵三万寇對馬守護代右馬允

宗助國防戰死之又寇壹岐守護代平景隆死之賊兵

取二島悉殺吏民

八幡愚童訓

進侵太宰府鎮兵拒戰

不利

代要記

少貳景資射中賊將賊兵宵遁鎮兵

追之不及獲船一隻百二十人斬之

愚童訓

○冬十二月

前右大臣藤原公基薨

代要記

○建治元年夏四月蒙古

改國號曰元使其臣杜世忠何文著撤都魯丁等至長

門室津

定傳

○六月前攝政右大臣忠家薨○秋八

月以前右大臣藤原通雅為太政大臣

補任

○九月北條

時宗斬元使杜世忠何文著等五人於鎌倉滅公私用

費罷京師大番兵選武幹士分遣鎮西諸國以備元寇

評定傳

○冬十月攝政左大臣家經罷以前閑白兼平攝

政○十一月立熙仁親王為皇太子

記要

初後嵯峨帝之

崩也人皆謂後深草上皇當總萬機而龜山上皇親決

庶政後深草上皇不得預焉及帝嗣位後深草上皇益

憤懣北條時宗以為本院身居正嫡雅無失德宜使其

胤踐天位遂議以後深草皇子熙仁親王為帝儲武後

深草上皇意乃釋

增

○北條時宗以北條實政為九州

探題

帝上編年記

鎮西置探題始此○十二月內大臣藤原

師繼罷以右大臣藤原師忠為左大臣權大納言藤原

忠教為右大臣權大納言藤原師繼為內大臣忠教忠

家之子家基基平之子也○二年春三月太政大臣通

雅罷○夏五月通雅薨○冬十二月以攝政兼平為大

政大臣職仍舊○是歲僧一遍始倡時宗一遍伊豫河

野之族也建長中剃髮為僧傳一遍初村上帝時有僧空

也周游諸州以念佛為業扶桑略記至是一遍亦叢其跡遍

歷天下勸化時人傳遍世謂之游行上人游行畧傳○三年

夏四月攝政兼平罷太政大臣○弘安元年冬十二月

以兼平為閑白補前權人納言藤原為氏上續拾遺和

歌集增補為氏為家之子也系○二年夏六年元將夏貴

范文虎等遣周福樂忠等諭以通好斬之于博多評定傳

○冬十月鎮倉遣兵筑紫備元寇編年○三年秋七月

前內大臣藤原基家薨○四年夏四月前內大臣藤原

師繼薨補○五月元兵大舉來寇壹岐對馬歷代皇記六月

侵太宰府鎮兵擊破之殺獲千餘人元兵轉至鷹島七

月晦夜大風雨海水簸蕩戰艦覆沒溺死者無算鎮西

兵乘勢掩擊殺獲甚眾請降者千餘悉斬之愚童傳元兵

十萬得生還者僅三人元史初文永中彗星數見識者以

為兵象至是果有元寇人以為其應云五代帝王物語○五年

冬北條時宗創圓覺寺於鎮倉以宋僧祖元為閑祖初

時宗好禪教具疏幣航海聘禪僧於是祖元應召而至

元亨○七年春正月以前大納言源基具準大臣基具

具實之子也

補任

○夏四月鎌倉執權北條時宗卒子貞

時襲其職

將軍執權次弟

○秋七月前關白左大臣實經薨

補任

稱圓明寺是為一條之祖

系

○八年夏四月以前關白

左大臣基忠為太政大臣○十年秋八月關白兼平

以左大臣藤原師忠為關白○太政大臣基忠薨○冬

十月以征夷大將軍源惟康為親王職仍舊

補任

○帝傳

位於皇太子

編年記

帝英敏好學源親房稱為後三條之

流聖旁通釋典

正統記

在位十四年改元者二曰建治弘

安皇太子立是為伏見天皇

伏見天皇諱熙仁後深草帝第一子也母女御門院

左大

臣藤原實雄女

建治元年立為皇太子至是受禪

增鏡

○正應元

年夏六月關白師忠罷左大臣○秋七月以右大臣藤

原忠教為左大臣內大臣藤原家基為右大臣大納言

源通基為內大臣通基通光之孫也○冬十月通基罷

以權大納言藤原兼忠為內大臣兼忠家忠之子也○

二年夏四月關白師忠罷以右大臣藤原家基為關白

○立皇子胤仁親王為皇太子○秋八月以準大臣源

基為太政大臣○九月關白家基罷右大臣

補任

○冬

十月征夷大將軍惟康親王為北條貞時所逐還京師
以皇弟久明親王為征夷大將軍執權次○以内大臣

藤原兼忠為右大臣大納言藤原實兼為内大臣實兼

公相之子也補○三年春三月賊淺原為賴入宮作乱

帝避之春日殿衛兵赴討為賴自殺初帝之立也非龜

山上皇之意為賴之為乱時論皆疑上皇所為權大納

言藤原公衡奏後深草上皇請遷龜山上皇於六波羅

上皇不聽於是龜山上皇作誓書賜北條貞時以自申

理事乃得釋鏡人

記

○太政大臣基良罷補

夏四月

初淺原為賴之死也六波羅檢其屍其佩刀即前參議

藤原實盛家宝刀也至是拘實盛父子於六波羅增○

内大臣藤原實兼罷○六月以大納言藤原信嗣為内

大臣信嗣冬忠之子也○冬十二月信嗣罷以權大納

言藤原公守為内大臣公守實雄之子也○四年夏五

月関白家基罷以左大臣藤原忠教為関白○秋七月

内大臣藤原公守罷以權大納言藤原兼基為内大臣

兼基師忠之子也○冬十二月関白忠教罷左大臣以

前内大臣藤原實兼為太政大臣右大臣藤原兼忠為

左大臣內大臣藤原兼基為右大臣前權大納言藤原公孝為內大臣公孝實基之子也○五年秋八月公孝薨○九月前大納言源定實準大臣定實定通之孫也○冬十一月以權大納言藤原實重為內大臣實重公親之子也○十二月太政大臣實兼薨○永仁元年春正月內大臣藤原實重以權大納言藤原師教為內大臣師教忠教之子也○二月以前關白家基為關白○冬十二月前攝政左大臣家經薨補是歲龜山法皇創南禪寺南禪寺記○二年秋八月前關白太政大臣兼平

薨

歷代

稱稱念院是為鷹司之初

增

○四年夏六月關

白家基薨

○秋七月以左大臣藤原兼忠為關白

○冬十二月兼忠薨左大臣以右大臣藤原兼基為左

大臣內大臣藤原師教為右大臣準大臣源定實為內

大臣○五年冬十月定實薨前權大納言源通雄為內

大臣前權大納言源通賴準大臣通雄通基之子通賴

通成之子也○六年夏六月內大臣源通雄薨以大納

言藤原公衡為內大臣公衡實兼之子也

補

○秋七月

帝傳位於皇太子

增

在位十二年改元者二曰正應永

仁皇太子立是為後伏見天皇

後伏見天皇諱胤仁伏見帝第一子也母准三后藤原

氏太政大臣實兼女正應二年立為皇太子至是受禪立邦治

親王為皇太子時帝年十一太子長帝三歲增鏡○冬十

二月攝政兼忠嚴以左大臣藤原兼基攝政○正安元

年夏四月兼基罷左大臣以右大臣藤原師教為左大

臣內大臣藤原公衡為右大臣權大納言藤原冬平為

內大臣冬平基忠之子也○六月以前內大臣藤原公

守為太政大臣○冬十月公守罷○十一月以攝政兼

基為太政大臣職仍舊○十二月右大臣藤原公衡罷

以前內大臣藤原公孝為右大臣補是歲元僧寧來

千博多行狀初元主出兵敗績以我信浮屠至是使一

寧來諭北條貞時怒編置之伊豆後延慶建長寺元亨

後宇多上皇屢召問禪法行狀○二年夏四月攝政兼

基罷太政大臣○冬十二月以兼基為関白補○三年

春正月帝傳位於皇太子初伏見帝藉北條時宗力得

立為太子增鏡及嗣位密諭北條貞時曰龜山帝在位之

日常憤卿祖先遷後鳥羽帝於海外切齒思為之報讐

時幸無累若使其子孫嗣位必繼其志卿安得晏然朕
藉關東之力得以繼大統思與卿同休戚唯卿圖之貞
時信之不欲使龜山皇胤嗣位遂與伏見帝謀立帝於
是後宇多上皇不悅遣左中辨藤原定房於鎌倉讓達
先帝詔貞時遂定後深草龜山兩宗迭立之策限以十
年請先立上皇皇子以次相傳元弘之亂實兆于此矣

梅松論

外史氏曰北條義時以梟雄之姿懷窺覲之心鋤諸
將傾實朝遂成篡奪之勢陽奉賴經陰執大柄廢立

黜陟皆出其意方之司馬氏之在魏殆有甚焉然繼
之以泰時時賴之賢故得能鞏固其業以傳子孫及
至時宗貞時亦能幹父蠱然身以陪臣遙執朝權不
能建萬世長久之策為一時姑息之計倡兩宗迭立
之議竟階元弘之亂九世之宗一朝而滅悲夫

在位四年改元者一曰正安皇太子立是為後二條天
皇

後二條天皇諱邦治後宇多帝第一子也母西華門院

內大臣源具守女

永仁六年立為皇太子至是受禪○夏六月

以前內大臣源定實為太政大臣○秋八月立富仁親

王為皇太子增○前攝政左大臣兼忠亮公卿○鎌倉

執權北條貞時記北條師時代貞時執權是歲元

兵寇薩摩子數島記○乾元元年秋七月太政大臣

定實罷○冬十一月以右大臣藤原公孝為太政大臣

內大臣藤原冬平為右大臣權大納言藤原內實為內

大臣內實家經之子也補○嘉元元年冬十一月前權

大納言藤原為世上新後撰和歌集尊卑○二年春三

月太政大臣公孝罷補○秋七月後深草法皇崩壽六

十二稱持明院增○冬十月准大臣源通賴罷○十二

月內大臣藤原內實罷○三年春正月以權大納言藤

原家平為內大臣家平家基之子也○夏四月閔白兼

基罷以左大臣藤原師教為閔白○秋七月前太政大

臣公孝薨補○九月龜山法皇崩壽五十七○冬

閔十二月閔白師教罷左大臣以右大臣藤原冬平為

左大臣內大臣藤原家平為右大臣准大臣藤原實家

為內大臣○德治元年春三月前太政大臣定實薨○

夏六月內大臣藤原實家罷○冬十二月以實家為太

政大臣

政大臣權大納言藤原道平為內大臣道平兼基之子

也補

○三年秋八月征夷大將軍久明親王為北條貞

時所逐還京師

歷代皇記

以其子守邦王為征夷大將軍

次

○帝崩壽二十四

記要

在位七年改元者三曰乾元嘉

元德治皇太子立是為花園天皇

花園天皇

諱富仁

伏見帝第二子也母顯親門院

左大藤

原實雄女

正安三年立為皇太子至是踐祚年十二

增鏡

以関

白師教攝政

補任

○延應元年秋九月立三品太宰帥中

務卿尊治親王為皇太子

增鏡

○冬十月以征夷大將軍

守邦王為親王

歷代皇記

○十一月攝政師教罷以左大臣

藤原冬平攝政

○前內大臣源通基薨

補任

○二年春三

月太宰府言元兵將復入寇

皇記

○攝政冬平罷左大臣

以前右大臣藤原公衡為左大臣○夏四月公衡罷○

冬十月大政大臣實家罷以前內大臣藤原信嗣為太

政大臣右大臣藤原家平為左大臣內大臣藤原道平

為右大臣權大納言藤原經平為內大臣經平家基之

子也○三年冬十二月太政大臣信嗣罷以攝政冬平

為太政大臣職仍舊○應長元年春三月以冬平為関

白○夏四月冬平罷太政大臣補○秋九月鎌倉執權

北條師時卒○冬十月前相模守北條貞時卒母車執權次弟

貞時慕尚祖時賴之風辭職之後躬披僧衣游歷四方

察風觀俗訪民疾苦時前內大臣源通基蒙譴於後宇

多上皇屏居京城南貞時適過其居愛其間寂入而問

之通基具告以實貞時曰大臣負冤盡告諸鎌倉中理

焉曰彰君之非以伸已之枉我不忍也貞時還鎌倉上

奏朝廷為訟其冤上皇大慙悔竟復其爵邑云太平記○

正和元年春正月前大納言藤原為兼上王葉和歌集

增鏡為兼為家之孫也○二年秋七月関白冬平罷以

左大臣藤原家平為関白○冬十二月家平罷左大臣

以右大臣藤原道平為左大臣內大臣藤原經平為右

大臣前大納言源具守為內大臣○三年冬十二月具

守罷○四年春三月以大納言藤原實泰為內大臣實

泰公守之子也補○秋七月讃岐守北條基時為鎌倉

執權執權次第○九月関白家平罷以前関白冬平為関白

前左大臣藤原公衡薨○五年春正月前內大臣源具

守薨○秋八月関白冬平罷以左大臣藤原道平為関

白○冬十月道平罷左大臣以右大臣藤原經平為左大臣內大臣藤原實泰為右大臣前權大納言藤原公顯為內大臣公顯實兼之子也補是歲鎌倉執權北條基時罷左馬權頭北條高時補代基時執權高時貞時之子也將系板華執權次第○文保元年夏六月右大臣藤原實泰罷以內大臣藤原公顯為右大臣權大納言藤原公茂為內大臣公茂實重之子也補○秋九月伏見法皇崩壽五十三增○冬十二月右大臣藤原公顯罷補○二年春二月帝傳位於皇太子增鏡帝深好禪法遜位之後

捨花園離宮創妙心寺以處僧慧玄為室於其側居焉妙心寺在位十二年改元者曰延慶應長正和文保皇太子立是為後醍醐天皇